



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1859

144. Markgraf Albrecht bestätigt als königlicher Hauptmann von Schlesien
einen Kaufcontract, am 3. Juni 1439.

Nutzungsbedingungen

[urn:nbn:de:hbz:466:1-56597](https://nbn-resolving.org/urn:nbn:de:hbz:466:1-56597)

144. Markgraf Albrecht bestätigt als königlicher Hauptmann von Schlesien einen Kaufcontract, am 3. Juni 1439.

Wir Albrecht, von gots gnaden Marggraffe czu Brandenburg, Burgraffe czu Nurenberg vnd von königlichir Gewalt von Behmen Houptmann in Slezien vnd czu Breslaw, bekennen uffentlichin mit desem gegenwordigen Brieffe, das vor vns gestanden hat der ersame Hannos Pok, Burger czu Bréslaw, wolgesunt Leibes vnd Symmen, mit woluorbedochtim Mute, vnd reichte uff recht vnd redelichin in eyne rechtin Kauffe dem ersamen Heintze Domnig, ouch Burger czu Breslaw, seinen Geerbin vnd elichen Nochkomeligin eyne halbe Marg Groschin ierlichs Czins, frey an allen Dinst vnd Geschoff nichts aufgenomen, vmb funff Marg Groschin, die ytezunt dem vorgenantin Hannos Pok gancz und gar sein bezalt vnd vorguldin als her vor vns uffentlichin hat bekant, in vnd vff das Gut vnd Dorff Falkenhayn des Newmargtschen Gebiets vnd alle seinen Czugehorungen, nichts ufgenomen, czu gebin vnd czu geldin alle Jor gancz vnd mittenandir uff sendt Elizabeth Tag, bey der Pfandunge czu habin, haldin vnd czu besitzin noch Lawte vnd Auswefunge der alden vnd orspringlichin koniglichin Kauffbriuen vnd nicht andirs. Denselbin Kawff, Vffreihunge vnd allis das vorgeschrebin steht, habin wir stete vnd gancz vnd bestetigen sie von koniglichir Gewalt von Behmen, der wir gebrauchin, mit dem koniglichen Ingesigel der Landtleute des Fürstenthums czu Breslaw, das do ist czu Erbin vnd czu Sachin, das an dessin gegenwortigin Brieff ist gehangin. Gebin czu Breslaw an der Metwoche vor des heiligin Leichnams Tag, noch Crists Gebort fierczehnhundirt Jor in dem newnvnndtreiffigsten Jore. Do bey seint gewest die Edeln Cunteze Runge, Petir von Zabor, Tschaslaw Sommerfelt, Cunrad Luckaw, Petir Kirften, Heintze Domnig, Hannos Pok vnd Conrad Camper, vnirs Hirn des Konigis von Behmen Manne, vnd Hannos Bancke, Cantzeler des vorbenumptin Fürstenthumis czu Breslaw, der dessin gegenwortigen Brieff hat gehabt in Befelhunge.

Mit dem im königlich Schlesiſchen Provizial-Archive in Breslau befindlichen Original gleichlautend. gez. Stenzel

145. Marggraf Friedrich der Jüngere verpflichtet sich gegen seinen Vater, ohne dessen Zustimmung in der Mark Brandenburg nichts zu veräußern, bevor sein Bruder, Friedrich der Jüngste, mündig geworden, am 11. Februar 1440.

Wir Friderich der Junge, von gots gnaden Marggraff zu Brandburg vnd Burggraff zu Nürnberg. Als der hochgeborne Fürste vnd Her, Her Fri-